



**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

V. An & qualis restitutio facienda ab eo, qui bona corporis læsit occidendo,
vel mutilando.

[urn:nbn:de:hbz:466:1-72877](#)

præterquam quod ea determinatè pecunia compensanda non est, ex dictis.

A S S E R T I O IX. Posunt tamen hæredes occisi, absq; controversia, aliquid accipere ab occisore, vt remittant actionem, quam habent contra ipsum apud Iudicem, imo valde probabile est, etiam omnitransactione seclusa in foro conscientia satisfacendum esse omnibus hæredibus, & creditoribus, pro toto detimento, quodex homicidio, ratione damni emergentis, aut lucri etiam post mortem lœsi cessantis, capiunt. Primum patet apud Salomon q. 62. a. 2. controversia 9. Lopez cap. 42. post Sotum quia talis actio est pretio estimabilis.

S E C U N D A M tradunt Carbo, Lopez, & alij apud eosdem. Ratio est. Quia valde probabile est omnia hæc debita in absolutis & realibus debitibus ipsius occisi numerari debere; cum ante sententiam Iudicis sint lœso restituenda, vt etiam superius diximus, ex plurim Doctorum sententiâ; qui communiter quoad lœsum nihil distinguunt de lucris cessantibus, vel post mortem; & quoad titulum satis est, quod viuenti necessitas ineuitabilis eiusmodi cessationis lucrorum per iniuriam illata est; hoc ipso enim viuenti damnum datur. Cæterum in praxi quoad hanc rem seruanda nihilominus erit moderatio ante sapientia præscripta, vt re dubia penitentes non compellantur rigide ad restituendum cuius obligatio liquida non est.

A S S E R T I O X. Satisfactione personalis qua facienda erat per venie petitionem, famæ restitucionem &c, hæredes homicidæ facere non tenentur; realem autem satisfactionem, qua per pecunias pro damnis illatis facienda est, tenentur hæredes (singuli pro rata parte) si quid ex hæreditate acceperint, præstare, sicut ipsemet occisor. Ita ex communi Salomon q. 62. a. 2. controversia 7. Ratio prima partis est; quia nullus alterius poenæ & onera personalia luere debet, saltem ante sententiam; iuxta illud Ezechielis 18. v. 20. *Filius non portabit iniquitatem Patris.*

Ratio Secundæ partis est, quia hæreditas transfit cum oneribus realibus. Quia tamen compensatio pro damno naturali per se, pecunia fieri non debet; idcirco probabilitus est, hanc obligationem ad hæredes non transire; nisi postquam transiit in rem iudicatam, aut si lœdens ante mortem cum lœso transferitur, vt recte Sotus loco citato.

A S S E R T I O XI. Parentes de domino, absque sua culpa à filiis dato, non tenentur. Ita recte Salomon ex communi, iuxta §. vlt. Instit. de noxalibus actionibus. Ratio est. Quia ipsi non sunt hæredes filiorum, sed sua tantum bona recuperant.

Secùs est, si ex filiorum hæreditate, parentes noua bona acquirentur.



D V B I V M V.

An, & qualis restitutio facienda ab eo, qui seu virginem, seu aliam innuptam violauit.

Ad s. Thomæ 2. 2. q. 62.

A S S E R T I O I. Sponte consentientem virginem, quamvis sub patria potestate constitutam violans, per se non tenetur quicquam restituere, sed solum promissa implere. Ita ex communi Salomon q. 62. a. 2. controversia 5. Bannes dub. 7. Petrus Nauarrus lib. 2. cap. 3. n. 438. Binsfeldius in cap. 1. deinurijs. Sayrus lib. 11. cap. 2. Azor lib. 5. cap. 5. contra Cajetanum q. 154. a. 6. Paludanum, Bartholemæum Medinam, & quoddam alios, apud Sylvestrum V. *Luxuria.* Ratio est, quia ipsi volenti nulla sit iniuria, nec ipsamet violata ad villam parentibus tenetur restitucionem.

Prolem tamen ex violata suscepit tenetur violator nutritre; non quidem proprie ex iustitia commutativa, nisi per vim vel fraudem imprægnauerit; sed ex pietate naturali, vt recte Bannes, & pluribus dicetur q. 7. dub. 11. a. n. 311.

A S S E R T I O II. Si tamen flagitium innotescat, tenetur utique parentibus, aut tutoribus, sub quorum potestate lœsa existebat, pro lœso honore facere satisfactionem, aut venia petirione, aut simili honoris exhibitione. Ita Valentia disput. 8. quæstione 3. punct. 3. Salomon quæstione 62. articulo 2. controversia 2. Angles 2. part. de restit. Lopez 1. part. cap. 78. post S. Thomam quæst. 154. articulo 6. Est enim quoddam genus contumelie, re aliena, aut alterius fidei commissa turpiter abuti.

A S S E R T I O III. At pro violata integritate virginali, & grauata dore, alijsque similibus damnis inde consecutis, nihil parentibus restituendum. Ita Sotus 4. de iustitia quæstione 7. articulo 1. ad 2. Petrus Nauarrus, Salomon, & plerique citati, licet aliter sentient Carbo quæstione 16. de restit. Valentia l.c. Ratio est. Tum quia ipsa filia ad hoc non tenetur, iuxta omnes. Tum quia parentes, si patiatur damnum augendo dotem, volens patiatur, non enim tenetur augere.

A S S E R T I O IV. Qui per vim, fraudem vel metum, adeoque per iniuriam Virginem violauit, non tenetur quidem, seclusa speciali promissione, eam ante sententiam ducere, aut integræ dotare (quod enim iure Canonicæ statutum cap. 1. & 2. de adulteris, poenale est, & ante sententia non obligat.) Sed tenetur tamen in conscientia, ad compensationem omnium damnum, adeoque tales restitucionem, qua iuxta arbitrium prudentis viri, & damnum corporis (ex sententia probabiliori, non certa, iuxta dicta in simili dub. 4. numero 109.) & illata contumelia, & in sequentia tam ipsi, quam parentibus damna, scilicet grauata doris, infamiae seu probrii, iactura conuenientis & quieti matrimonij, si quam idcirco violata incurrit, compensentur. Ita ex comuni docent Nauar. Manual. c. 16. n. 16. Carbo de rest. q. 16.

Salon

1057 1058
Salon, Valencia locis citatis. Patet ratio: quia in his omnibus per iniuriam nocuit violator.

132 ASSERTIO V. Imo poterunt etiam quandoq; tales esse rerum, & personarum circumstantiae, ut corruptor non possit censeri facere sufficientem compensationem, nisi vel corruptam ducat; vel ei integrum dotem persoluat. Ita recte Valencia, ex communi, iuxta capitula citata: Idque potissimum locum habet si persona sint honoratae; nec omnino disparis conditionis, &c.

133 ASSERTIO VI. Quod si violata nec infamiam, nec alia damna incurrit, quia videlicet æquè bene nupsit, marito corruptionem non percipiente, vel non curante; nihil pro illis damnis, quæ iam nulla sunt, restituendum; nisi forte ex pacto, si cum violatore de aliqua pecunia in omnem euentum fuerit transactum. Ita eterque Nauarrus, Carbo, & alijs quidquid nonnulli in contrarium dixerint. Ratio est, quia per se, & sceluso pacto, non periculum damni, sed ipsa solum, damna compensanda sunt; quæ tamen hic nulla sunt.

Qua de causa etiam nonnulli iudices in foro quoque externo, eiusmodi restitutionis dilatationem concedunt, apud Baiardum in additionibus ad Iulium Clarum §. *Suprum.* num. 24. Nec verò peccat femina, eiusmodi corruptionem occultans, ut recte Sanchez de matrim. lib. 6. disput. 37. quia ea occultatio nec sibi, nec alijs est noxia, sed potius utrisque commoda, ad vitandas rixas & fastidia matrimonij.

134 ASSERTIO VII. Importunis precibus & blanditijs (sine tamen alia vi, vel fraude) vel timore solum reverentiali adductam violans, ad nullam itidem restitutionem tenetur; nec violatae, nec parentibus eius, nisi pro contumelia, ut supra dictum. Ira Carbo, Petrus Nauarrus, & apud eundem Syluester & Ledesma. Probatur. Quia talis nulla iniuria adacta, sed sponte & libens consentit.

Contrarium tamen docet Nauarrus, Bartholomaeus Medina, Corduba, Salon, Bannes, Valencia, rati hunc modum inducendi esse violentum, adeoque iustitiae oppositum. Quod non satis probatur; nisi forte planè tollatur libertas etiam conscientia requisita ad validam donationem; quod rarum est, ut etiam notat Lessius, cap. 10. num. 14.

135 ASSERTIO VIII. Violans puellam antequidem corruptam, sed vulgo pro virginie habitam, tenetur ad damna compensanda, si eius culpa crimen euulgerit; secus, si puellæ, vel alterius virtutis & garrulitate. Ita ex communi Petrus Nauarrus cap. 16. num. 19. Ratio est, Quia priori casu iniuste datur caula damni, posteriori non item.

136 ASSERTIO IX. Qui virginia se violatae, seu vere, seu falso, promisit matrimonium, illaque non nisi sub hac spe & conditione consensit, tenetur promissum implere, non solum iuramento firmatum, sed etiam simplex. Ita ex communi eterque Nauarrus, Syluester, Carbo, Sotus, Valencia, Lessius cap. 10. n. 20. quamvis enim facta promissio per se non obliget, hic tamen obligat

per accidens; quia alioquin puella grauis fit iniuria. Nec par est, ut facte promittenti fraus & dolus patrocinetur.

Excipiuntur tamen hic duo casus. Primus, si puella erat multo inferioris conditionis, sive adeo facile fraudem animaduertere potuit; quamvis etiam ita ex simplicitate decepta in foro conscientiae damna compensanda sint, ut recte Nauarrus num. cap. 16. n. 18.

Secundus, quando promittens licite stare non potest promissione, ut si obster ordo lacer, aut votum Castitatis, aut alioquin grauia timeantur incommoda, vel scandala ex matrimonio; tunc enim ratione compensanda sunt damna ut docent Nauarrus & Valencia ibidem.

Quanquam Lessius n. 32. existimat, ne votum Castitatis, nec religionis ingredienda, si id violata in promittente ignorauerit, obstat, quo minus talis teneatur ducere violatam, atque hoc passim tradere Doctores. Quod saltem post imperatam dispensationem, verum existimo, licet ipse eam necessariam non existimet, extendens id vterius etiam, tam ad honestam viduam, quam ad casum, in quo post contracta sponsalia, nulla quidem vita corporis reipsa consecuta est, tamen saltem per suspicionem vulgo praesumitur, ob magnam familiaritatem & consuetudinem mutuam. Vide Sanchez lib. 8. disp. 36. Plura suo loco de matrimonio.

ASSERTIO X. Si puella remittat explicitam superius obligationem, liber erit violans à restitutione facienda, est communis. Si enim ante factum sponte consentiendo, facere potuit, ne violator incurret obligationem; poterit etiam post factum ab ea liberare, quamvis parentes non consentiant; cum haec puellæ commoda alioquin parentibus nullo iure sint addicta. Atque ex his etiam fere constat, quid dicendum de restitutione ex adulterio, de quo infra q. 8.

D V B I V M IV.

An, & quomodo fama vel honor per detractionem aut contumeliam lasus, restituendus.

Ad s. Thomæ 2. 2. q. 62. a. 2.

Q Venerit I. An, & quo modo fama sit restituenda?

ASSERTIO I. Fama iniuste ablata (eis materialis solum fuerit iniuria) est restituenda; nisi infamatus iam ante famam recuperaverit, sive per sententiam Iudicis, sive suis recte factis, aut sui purgatione; seu etiam ipsius temporis interlapsu, quo sparsum crimen iam penitus obliuioni traditum videatur. Ita communis S. Thomæ hic q. 62. art. 2. ad 2. Ratio patet; quia damnum iniustum illatum compensandum. In dubio vero, an crimen obliuioni traditum, existimatio audientium, caute exploranda erit, ut recte Valencia q. 6. pun. 5. quicquid Aragonius cit. a. 2. indistincte dixerit.

ASSE-